

Segunda Carta a Timoteo

Kjibokwo ëre tara Pablorë Timoteo kong

Kjibokwo ëre sorë

Domer shäng kjlära ko Pablo. E Sbö tjlökwö läga Jesús äska wleniyo. Domer shäng kjlära obi ko Timoteo. E data Grecia so, mekjë judío. Dëna mite obishko ga sök Listra kjokyo. Eshko ga Jesús roy pjľú lära Pablorëshko ga tjlökwö kjrara. E irgo ga e kjrara Pablorë beno shäng parkë ba tjok, tak pjang Hechos 16.1-4 go sorë li eni. E irgo ga parkono ara Jesús roy pjľú lë kjok shto oblë oblë.

Pjlära ga Pablo iaraba beno shäng kjërshko Roma kjokyo, Jesús roy pjľú lära kjëshko. E irgo ga döraba ey dwayo. Łu to jek ara irgo ga iaraba beno shäng no shdüzlöng uyo roshko Roma kjokyo jek obi. Eshko ga shdunaba ara, iaraba beno shäng shto owa anmoyöshko. Shto eshko shrër, smo ara bakoe. Eshko ga miyde ga wołon döröe. E kjëshko ga kjibokwo ëre tara Timoteo kong.

Pablo woydë ara, e rayara nopga ararë kjëshko, ga woyde ga Timoteo tek ba ik maling li tara ba kong. Eshko dbaryo ga pjľu kësbangyo sök Roma kjokyo li ko Nero. Jesús tjlökwö kjrägaga shduna ara kjone pogo. E kjëshko ga Timoteo ichara Pablorë ber shäng mär Jesús tjlökwö go jľökoyo, ga nopga ping e go iyado bako, shdungoba ara e kjëshko gueniyo.

Dënashko ga kjibokwo ichara Pablorë ba kong kjwara. Ëre tjok ga kjwo pjök.

1 ¹Kjibokwo ëre taga tja Pablorë. Tja kjrara Sbörë beno shäng ba tjlökwö roy läga Cristo Jesús äska, shji töno beno tjeng Cristo Jesús tjok ga shji ie Sbörë ber löng së iyado ba tjok li roy lë oba kong wło.

²Timoteo, kjibokwo ëre ichër jek bop kong. Pja bor wa wleni.

Rokër Data Sbö kong, bi Tjľapga Cristo Jesús kong ga ba wopjľú li kjëshko ga pja kjimte łok ara, pja songe lë iyado, pja ie łok ber shäng wľëp bakoe.

Tjľapga Jesús łökyokjrëy ľľeme

³Tja parkë Sbö kong jľökoyo, bor tjľapgaga tek dënashko so omshäryono dik. Łľëbo pjľú miydër li shäryër eni ľër bor pjľúshko. Shkë dba ga tja syöshtë ba kong bop kjëshko. ⁴Pja sľatong boryo kwono li, e

woyoshrër iyado, ga pja ñn woydë jlökoyo, tja ber wopjlú wlo. ⁵Woyoshrër ga pja mär Sbö go. Bop tjëtë Loida, bop mekë Eunice, e opyono löng mär Sbö go bäm go, ga miydër ga pja mär ba go jlökoyo bakoe.

⁶Dënashko ga tja orkwo iono bop dlu kjing go, pja ber shäng dboy Sbö kong wlo, ga kjok miydë twara bop kong eshko. Eni ga kjok miydë li go ga pak twara bop kong li shäryos iyado, pja kjok miydë jek këgong wlo, iök bakworoy pjë jong ri ri jek këgong wlo wleni. ⁷Bi go Sbö Sëya twara beno kësbang bi tjok, llëye bangkjrey llëm wlo. Twara bi kong, shji dbo ara wlo, shji ëng woydë ara kar kar wlo, shji wotjlik pjlo bek wlo bakoe. ⁸E kjishko ga pja tjilë oba kong bi Tjlapga Jesús kjishkoshko ga lökyokjrëp llëme. Tja shäng kjërshko ëre ba kjishko ëmdë ga tja lökyokjrëp llëm bakoe. Woyde ga shäryër sorë ga Sbö dbo ara go ga pja omshäryë eni bako, llëbo wen bop kong owa gueniyo. ⁹Shji dëra Sbörë, ga shji rokara jek löng pjlo bek ba bokso wlo. Shäryara eni, llëbo shäryoroy li kjishko llëm, shäryara eni, woydara eni kjishko. Ba wopjlú li kjishko ga kjok shäryayde llëm obishko ga wotjlino Cristo Jesús ichë bi kong. ¹⁰Dbar eerishko ga ba wopjlú li pina bi kong, bi döga Cristo Jesús goshko. Woñon li pjira Jesúsde. Shji ber löng së iyado ba tjok sorë, e pina bi kong ba tjlokwo pjlu li go, ga beno wëlëe.

¹¹Tja kjrara beno shäng tjlokwo pjlu ëre roy lë Jesús äska wlo, oba ping wlo bakoe. ¹²Eerishko ga tja shäng song, llëbo ëre kjishko. Gueniyo ga Jesús, e miydër shäng pjlu, tja mär shäng ba go bakoe. Ga miydër ga e dbo ara, llëye iara beno tjeng bor wloshko li de äär jong ba dbaryoshko wlo. E kjishko ga tja shäng song ëmdë ga lökyokjrër llëme.

¹³Tjlokwo li lëp oba kong pjlo bek wlo ga los ba kong, loror bop kong sorë li eni. Pja tönö beno tjeng Cristo Jesús tjok. Pja jek ba tjok kjishko ga oba woydëp ara iyado. ¹⁴Tjlokwo pjlu li iara Sbörë beno tjeng bop wloshko. Dëp yötso. Pja go Sbö Sëya, ga pja kjimte tjlokwo li dë.

¹⁵Miydëp pjlu ga Jesús tjlokwo kragaga löng Asia kjokyo li, tja rayara to lok pjire. Tjreko to jek Figelo, Hermógenes. ¹⁶⁻¹⁷Gueniyo Tjlapga Onesíforora, tja iya öör ara, tja kjimtara dbokjrë ara. Tja sök kjërshko ga tja lökyokjre llëme. Shrono Roma kjokyoshko ga woshtono llëm, tja wlenä guing. E kjishko ga ba pjeyoga kjimtaga ber Tjlapga Jesúsde iyado. ¹⁸Ga Tjlapga li dbaryo tjweshko ga songe laga ber erë om go eshko. Shji kjimtara Éfeso kjokyo kjöme, e miydëp tjan.

Shji parkë Cristo Jesús kong, ëngkwaga pjlu wleni

2 ¹Pja bor wa wleni. Sbö wopjlú li pina bi kong, shji tönä beno tjeng Cristo Jesús tjokshko. Eni ga pja dbokjrozong. ²Dënashko ga tjlokwo loror bop kong oba ara bokso. Eerishko ga tjlokwo li los oblë kong, nopga wotjlik bek, oba ping pjlu wleniyo kong.

³Pja Cristo Jesús parkaga. E kjishko ga llëbo wen tjwe bop kong owashko ga kus kjing, ëngkwaga pjlu wleni. ⁴Ëngkwagaga tön oblë tjok pak llë shäryë wlo llëme. Ba kägäyo tjlokwo söyde dö, ber wopjlú ba tjok wlo. ⁵Eni wleni ga ëye tjör ga ilgwekklo buk li söya bek llëm ga

ba potjwłëkkło włëya łok ba kong łlëme. ⁶Ëye parkë ga ba dwłã dgara łi bo tjokshko ga bo kjraga erë bãm go. ⁷Tjłokwo łër shäng bop kong łi woyotjłis, ga pja kjimte Tjłapga Jesúsdë łlë łokło miydëp uunkong wëłëe.

⁸Jesucristo woshrra Sbörë iröng obi. Era Pjłu David tjëyo. Tjłokwo ëre woyoshros iyado. Tjłokwo roy pjłú łër shäng łi e. ⁹Tjłokwo ëre kjishko ga łlëbo wen tjwe bor kong owa ara. Tja sharaba shäng kjërshko, orkwo kjrochak pjir dröng sho go, no łlëbo owa shäryono włeni. Gueniyo Sbö tjłokwo łira shaga ërë eni łlëme. ¹⁰E kjishko ga kur jek shäng eni, ber pjłú nopga kjrara Sbörë ber baıya wło łi kong wło, döya ber löng wopjłú, së iyado Cristo Jesús tjok wło.

¹¹⁻¹³Oba tjłë ga

«Shji wolono ba tjok ga

shji ber löng së iyado ba tjok.

Łlëbo owa łi kuroy kjang ga

kjok iche sök dbaryoshko ga shji shto ba shwoy eshko tjok.

E ë miydëy łlëme łëy ga

shji ë miyde łlëme le eni eshko bakoe.

Łlëye łëy łi shäryoroy łlëm ga

era, łlëye łara łi shärye eni,

e opkjłopswë łlëm kjishko» łëba eni.

E eni jłöe. Tjłokwo ëre kjrako.

Shji parkë Sbö kong sorë

¹⁴Tjłokwo łër shäng bop kong łi woyoshros oblë kong. Łos ba kong Sbö bokso ga «Tjłokwo tjwłö łlëm włeniyo łëmi ëng kong kar kar łlëme. Kuya oblërë ga ber ba kong owae» łos ba kong eni. ¹⁵Pja parkos Sbö kong jłökoyo, tjłokwo bek łi roy łos bek, łlono ga pja äar shäng Sbö boksoshko ga ber wopjłú bop tjok wło, łlëye lökyotkëp eshko łlëm wło bakoe. ¹⁶Tjłokwo tjwłö łlëm włeniyo le nopga Sbö miydë łlëm włeniyorë łi, e łëy ë kong łlëme. Ëye omlë ga owa łi włëya jek këgong këgong. ¹⁷Shji sho kjoneshko srëng jëk ameshko ga sho łi an jek këgong këgong. Jesús tjłokwo kjragaga tjërko ga tjłokwo owa eni łi shdär jek këgong këgong swło eni włeni bakoe. Himeneo, Fileto, e łlëbo shäryono eni. ¹⁸Tjłokwo bek łi söya łok ame, to löng tjłë ga «Shji woshrra Sbörë pjir tjän. Shji woshre jek obi ame» le łok eni. Oba jyäpgwe to löng tjłokwo e go, mär ber löng Jesús go ame wło. ¹⁹Gueniyo Sbö pak shäryono łi beno kjang, u shakkło kjang, wir łlëm włeni. Tjłokwo tak pjang e go łi eni. Tjłokwo tak pjang kjwara tjłë ga «Sbö, nopga baıya kjone dey, e miyde pjire.» Tjłokwo tak pjang kjwara obi tjłë ga «Ëye mär woydë Tjłapga Jesús go ga łlëbo owa łi raye, shärye ame dey.»

²⁰U jong kjwara kësang ga roshko łlëbo shäryak dbur sho shöylör, pjłublún go dö łlëme. E roshko łlëbo shäryak kjorkwang go, łlëbo shäryak klung shosho go bakoe. Łlëbo tjwłö ara shäryëyshko ga shäryëy łlëbo tjwłö ara go. Łlëbo tjwłö ara łlëm łira, łlë pogo shäryëy e go. ²¹Shji Jesús tjłokwo kjragaga eni bakoe. Shji uunkong łlëbo owa łi rayono pjir łlëme. Gueniyo

ëye omrayono, shärye ame ga e beno shäng tjwłō ara, iak beno shäng dboy Tjlapga Jesús kong, iche Tjlapga līrē llēbo tjwłō ara shäryē ga pjłū wlo.

²²Kjwozirga mikboga wotjlik llēbo owa shäryē sorē ga pja wotjlik eni ame. Llēbo bëy li shäryopdē dey. Tjłōkwo lōrop ē kong ga shäryos eni iyado. Oblē woydos ara. Pja ber shäng wļēp nopga uunkong tjok. ²³Nopga ēnglē kar kar llēbo tjwłō llēm kjishko ga pja opzrēk eshko llēme. Shji ie ber lōng ēnglē kar kar erōe. ²⁴Shji Tjlapga Jesús parkaga, shji ēngkjwē ē tjok wlo llēme. Shji pjłū oba uunkong tjok dey. Woyde ga shji tjlē kukoba wēlē wlo, shji iirkē māling llēm bakoe.

²⁵⁻²⁶Bi wloyoga shara Ärē beno lōng kjērshko wleni. Epga iche ba kolē erā. E kjishko ga epga poshdüyshko ga shäryēy yōtso. Woydēy ga epga kjłopswaga ber Sbōrē, tjłōkwo bek li miyde lōk wlo. Eni ga epga wotjlik bëy kjwe, ga dār Ä wloshko dwayo.

Kjok pjir lēshko

3 ¹Kjok pjir lēshko ga llēbo wen tjwe kjange. Lēr bop kong, miydēp wlo. ²Nopga wotjlik llēbo pjłū shäryē ba kong om go erō, oblē kong llēme. Wotjlik dbur erōe. Krē ara. Llēbo pjłū shäryara li lānyotke ē pogo kong om go erā. Oblē le owa ae. Ba data, ba mekē kolē llēme. Llēbo pjłū shäryak ba kong li woyotjliya llēme. Sbō, e ba kong ga tjwłō llēme. ³Wopjłū ē tjok llēme. Eye songe le llēme. Oblē lāywe owa ae. Wotjlik tjwe owa ga shärye eni, shärye llēm ga ae. Llēbo shärye oblē kong owa ae. Llēbo pjłū līra ba kong ga owa erā. ⁴Jēk lōng oba tjok pjłū jłō wleni, ba moskwo gueniyo. Llēbo shärye ga woyotjliya guing llēme. Opkuk ga tjwłō ara le. Sbō wļēyde kjwe, gueniyo llēbo ber pjłū ba kong li wļēyde erā. ⁵Llēbo pjłū shärye ara, ga Sbō tjłōkwo sōya lōng jłōkoyo lēba. Gueniyo wotjlik ga Sbō dbo ara, epga kjimte jēk lōng pjłō bek wlo llēme le. Pja jēk nopga eniyo tjok llēme.

⁶⁻⁷Walēga kjone kjone kjok miydē ara llēme. Llēbo owa shäryara li woyotjliya kjēr, gueniyo wotjlik tjwe owa ga shärye eni, shärye llēm ga ae. Tjłōkwo roy pjłū li kuya enido, gueniyo jłōe le llēme. Nopga owa lēr shäng bop kong li to lōng u kjwara kjwara, walēga eniyo jyāpgwē. ⁸Dēnashko ga domerga lōng do pjōk ko Janes, Jambres. Epga opyono lōng Moisés wloyo. Nopga owa lēr shäng bop kong li opyono lōng tjłōkwo bek li wloyo eni bakoe. Epga wotjlik owa erā. Mār Jesús go le, gueniyo jyō erā. ⁹Gueniyo ba jyō li miydēba dōrōe. E kjishko ga oba jyāpgwe kjēr llēm, Moisés wloyoga do pjōk li dik.

Timoteo poshdunglō

¹⁰Gueniyo ga tjłōkwo lēr shäng li miydēp pjir tjän. Tja sorē, llēye shäryēr woydē, tja mār Jesús go sorē, e miydēp uunkong. Tja iirkē māling llēm, oba woydēr ara, llēbo wen tjwe bor kong owashko ga tja wosonkē llēm, e miydēp bakoe. ¹¹Llēbo weno bor kong owa sorē, tja song, e miydēp pjire. Llēbo weno bor kong eni Antioquía kjokyo, Iconio kjokyo, Listra kjokyo bakoe. Gueniyo tja kjimtara Tjlapga Jesúsdē, tja dōra eshko dwayo. ¹²Eye ber lōng Cristo Jesús tjok woydē jłōkoyo, jēk lōng pjłō bek

Sbö bokso wlo ga shdungoba songe. ¹³Gueniyo nopga owa li, jyö ä löng li, e jek owa jek këgong këgong. Oba jyäpgwe ä, ga epga jyäpgwëba bakoe.

¹⁴⁻¹⁵Pjara shäng kjange. Miydëp ga tjlokwo pingga bop kong li, tjawa jyörkë llëm, ga tjlokwo li bëy jlöe lëp jlökoyo. Tek chirawashko dwayo ga pja oppino ara Sbö tjlokwo bek tak pjang kjibokwo go li go. Miydëy e go ga shji där wlo ga shji mär Cristo Jesús go dey. E kjishko ga pja jek shäng tjlokwo li go iyado. ¹⁶Tjlokwo tak pjang Sbö kjibokwo go li, e twara beno ba tjlokwo kragaga uunkong kong. Tjlokwo li beno bi kong, bi pingglo, bi poshdungglo, bi llgwekklo, shji jek pjlo bek wlo, ¹⁷Sbö tjlokwo kragaga opping ara e go wlo, llëbo pjlu öblë öblë shärye ga pjlu wlo.

4 ¹Llono ga Cristo Jesús tjwe ber bi pjluo, nopga löng së li, no wolono löng li, e llgwegä. Eni ga tjlokwo lër bop kong jlökoyo ba bokso, Sbö bokso bako, shäryëp wlo. ²Sbö tjlokwo to lëba. Woydëbare, de llëmde, los ba kong iyado, pja slan llëme. Eye wotjlik owa ga poshdüs, jek bëy wlo, dbokjrë e go wlo. Tjlokwo li los yötso iyado, pja sjen ba lë llëme.

³Dbar tjwe kjwara ga tjlokwo bek li kuya woydë ërë ame. Eshko ga no pinggaga wen löng ara, ga tjlokwo kuya woydë nopgarë li, e lë lok ba kong eni. Eni ga nopga äar ara ba tjlokwo li kuk. ⁴Tjlokwo bek li kuya lok ame. Llëbo tjwlo llëm li kuyde shara. ⁵Gueniyo pja wotjlik bëy iyado. Llëbo wen tjwe bop kong owa arashko ga kus kjing eröe. Pja to shäng tjlokwo roy pjlu li lë, nopga tjlokwo kjroydë llëm obi löng li kong eröe. Bop pak li shäryos uunkong yötso.

⁶Bor pak shäryoror ara li, e ba pjitoë. Tja wolon dbaryo li döröe. ⁷Bor dbo kës li go ga pak twara Sbörë bor kong li shäryoror jlökoyo. Shäryoror pjir, öötong ba dbo go. Tjlokwo pjlu li doror yötso. ⁸Tja shäng Tjlapga Jesús, no llgwegä pjlo bek li koshë shäng woowa llëme. Miydër ga tjweshko ga parkaga pjlo bek potjwlëngglo li twe bor kong, nopga uunkong löng ba koshë wopjlu li kong bakoe.

Nopga öblë öblë

⁹Pja tek sorë yälë, gueniyo pja tek bor ik wop äe. ¹⁰Demas, llëbo tjeng kjok ëre kjing go li woyde ara kjishko ga tja töywara to Tesalónica kjokyo. Crescente to Galacia kjokyo. Tito to Dalmacia kjokyo. ¹¹Beno shäng bor tjok li Lucas eröe. Marcos, tja kjimte bor pak shäryë ga pjluë. Wlëp ga tek söp bop tjok. ¹²Tíquico ichoror jek Éfeso kjokyo. ¹³Bor shwong kop lëkong li ioror beno buk Troas kjokyo, Carpo ushko. Pja tekshko ga tek söp bor kong. Bor kjibokwo tek söp bor kong bakoe. Shäryak tjeng öng kwota go li woydër ara.

¹⁴Domer shäng kjlara ko Alejandro. E llëbo shäryaga dröng shosho go. Llëbo shäryara bor kong owa ara. Gueniyo potjwlëga ber Tjlapga Jesúsde. ¹⁵E opyono beno shäng tjlokwo lëy löng li wloyo. E kjishko ga pja sjëk ba tjok bakoe.

¹⁶Tja söra, öötong shäng tjlapgaga shwoy jushko bäm goshko ga tja kjimtara ërë llëme. Jesús tjlokwo kragaga löng eshko li, tja töywara uunkong. Gueniyo woydër ga llëye owa shärye Tjlapga Jesúsde ba kong llëme. ¹⁷Eshko ga

tja kjimtara Tjlapga lîrë om go. Ba tjłokwo kës li kuya nopga judío lîlëm wleniyo lîrë wlo ga tja kjimtara ba lë ba kong. Ga tja dōra ey dwayo, tja zrōraba lîlëme.
¹⁸Eni ga lîlëbo owa tjwe bor kongshko ga tja kjimte, tja dōya, tja sōya äär sōk kjok dogo, pjlu sōk iyado lîshko. E iëy ber kësbang, tjwłō ara iyado wlo. Ber eni.

Kjibokwo pjirzlong

¹⁹«¿Yonde?» lëp Prisca, Aquila kong, Onesíforo pjeyoga kong bakoe.

²⁰Erasto beno shäng Corinto kjokyo.

Trófimo swlo ara, ga ioror beno buk Mileto kjokyo.

²¹Pja tek sorë yalë, gueniyo pja tek bor ik kjok owa dbaryo äätë lîlëm obishko.

Eubulo, Pudente, Lino, Claudia, Jesús tjłokwo kragaga llong uunkong li, «¿Pja yonde?» lë lok bop kong.

²²Rokër Tjlapga Jesús kong ga ber shäng bop tjok iyado, ga ba wopjlu li kjishko ga pja kjimte ara.